

保德州志

卷二至卷五

保德州志

縣長萬泉馬蕃庶總裁

郡人 張寅樞 襄助

郡人 王贊堃 襄助

郡人張念祖經理

郡人王永明校對

形勝第二

殷夢高日國依於民民依於德谿山之險不足恃以為固也雖然王公設險以守其國狡焉思啓之儔非形格勢禁何以制之是故秦得百二齊得十二遂雄長一時而四戰之地建邦設都智者慮焉保德東有高地峻石梯之巖峻南則王湖濟道諸嶺西則禪師黑石等厓棧理賢陵西廓諸山互相控扼北則長河天塹襟帶環遶是真表裡河山地形四塞天下之雄國也又况前朝所設墩寨星羅碁布壁合珠聯雖復傾頽而基址尚存一修復之即有長山蛇陣首尾擊應之勢是亦所

保德州志

卷二 形勢

一

謂支翰相承維持鞏固者矣若夫勝地名區琳宮梵宇不過山人逸士恣遊觀而供憑弔之所聊誌之以備景物耳保民固圉者豈屑屑於是哉作形勝志

形勢二之一

山川二之二

墩寨二之三

古蹟二之四

名勝二之五

廟社二之六

寺觀二之七

祠宇二之八

往鑑二之九

形勢

北瞰黃河南阻峻嶺

通志云群山圪乎東南大河繞乎西北

襟帶麟府控制夏疆詳見建置

蒼崖千仞俯黃流山城一望臨紫塞薛宜顯見舊志

十里九溝

山谷高深足以設伏

石梯天險

上據峭壁下臨黃河亦一夫當關千人莫踰之險也

楊永芳日郡踞山顛地勢峭峻入境以來皆陡澗深溝東不能行馬亦難馳誠據險易守之地然昔經變亂則傷殘尤酷焉昔人謂在德不在險州名保德惟顧名思義則生民幸甚苟撫之無其道雖黃河天塹未可遂云天限南北也

山川

保德州志

卷二 形勢

二

蓮花山在州城南一里發脉自高地陵五十餘里至下流磧復起至大塢墩分爲五支東一

支爲東廓山至聖母廟臨黃河西一支爲西廓山至下園頭亦臨黃河中一支至小塢墩又分三小支西一支爲山川壇東一支爲演武場中一支蜂腰過脉爲本州城城內又分三小支東一支爲鐵山西一支爲金山中一支爲居民正街至中街又一蜂腰過脉中爲州治西一支爲文廟查一支爲城隍廟形如蓮房故名

鳳凰山 在城內戴家坪一名鉄山

飛龍山 一在州查北十里康家灣一在西南十里段家溝

觀音峯 在州東北十里出炭

逍遙山 在州東北二十里一名腰庄出鐵器

石梯山 在州東北二十里山上一墩墩下一堡正在石梯中有一夫當關千人莫

踰之勢扼而守之能令北賊不得西下

馬頭山 在州東二十里

鷹窩山 在州東六十里

窩弓山 在州東六十里

毡帽山 在州東六十里窰坵臺山半有石洞可容百十餘人

獅子山 在州東南二十里下流磧

孤山 在州東南三十里全家坪

郝家嶺 在州東南三十里

劉家山 在州東南五十里

黃龍山 倒座山 俱在州東南六十里

堂子山 在州東南六十里崖半有石洞可避兵容六十人

袁家山 在州東南七十里

赤山 在州東南八十里山多楓木霜後其山盡赤見通志

土門山 在州東南八十里

保德州志

卷二 形勢

三

賀家山 在州東南九十里

栢山 在州東南一百里

潘家山 在州東南一百里

桑林山 在州東南一百里

蒼水山 在州查南一百二十里苛嵐州界內出木炭以山中水色元故名

銀爐山 在州南十里井兒窰村

寨山 在州南三十里

羊頭山 在州南四十里

峯子嶺 在州南五十里即小煙墩

石門山 在州南六十里大塔舖

麥子山 在州南七十里石洞可避兵

楊家嶺 在州南九十里

伊山 在州南一百里世傳伊尹曾寓此故名

王家嶺 在州南一百里

木瓜崖 在城西包城後不生

黃金山 在州西南六十里

禪師崖棧 在州西南六十里岩半有石洞可避兵

黑石崖棧 在州西南七十里中有石洞深不可測相傳有人點松燈入二三里許

聞水聲恐有龍不敢入洞外山腰石徑上聳蒼崖下臨黃河長二十里道路屈曲

行旅前後不相望見昔被河西奸孽駕艇泊藏縛行人而禦其貨明萬曆三十八

年知州胡柟設義勇官於林遮峪責之巡緝奸宄遠遁又捐俸募義兵與禪師棧

俱闢爲大道出塗者遂衆

神山 在州西南八十里

花花崖 在州西南八十里

保德州志

卷二 形勢

四

野人山 在州西南九十里俗傳野人居此有骸骨長大故名

黨家嶺 在州西南九十里

韓家嶺 在州西南九十里

以上皆山

孫家溝 在城內金山下西角有水洞後包城塞之水壅潰城萬曆間知州胡柟

水道以通水

草廠溝 在城內鐵山下東角舊無水洞今有水道洩水

苦水溝 在城內西北角文廟下有水洞

黃河 在州北一里許自天橋子入州境西流經城下至韓家川稍折而南至後會

村入興縣界在州境內共長一百四十里

西庄溝 在州北三十里

狄家溝 在州北三十里

石梯灘水 在州東北二十里明季種稻萬曆二十六年水衝成河

楊家灘 在州東北二十里石梯山下即石梯灘

臥龍溝 在州東北三十里臥龍石出此

倒迴谷在州東北三十五里溝上有橋金時郡僧才公募建

天橋峽 在州東北三十五里上闊十二丈五尺中闊七丈下闊八丈五尺共長九

十丈冬月積水成橋民呼為天橋

詳見八景

老鴉泉 在州東一里水出石峽

楊家泉 在州東坡下從平地瀆湧出煮豆粥不用鹹

東溝水 在州東城下水出岔道村背後至東關入河

康家灘 在州東五里

石坂溝 在州東五里

郭家灘 在州東十里計溝中水可灌地百餘畝萬曆間為河水衝壞失其利後知

保德州志

卷二 形勢

五

州胡柵查灘未盡沒乃修堰引灌捐俸募工刻期舉行

張家灘水 在州東十里今河沒無存

腰庄水 在州東二十五里由郭家灘入河

蘆子溝水 在州查三十里由張家灘入河

熱窩河溝 在州查十五里出炭

雙井 在州查六十里

朱家川 在州東六十里發源自寧化山南流遶王家塞轉而西至石窠鋪過橋頭

村下流磧由花園村入黃河

龍潭 在州東七十里窩弓村

峽查溝 在州東南三十里

濟道溝 在州東南二十里

王湖渠 在州東南三十里

赤泥溝 在州東南五十里

井溝井 有二俱在南門外水從峽出弘治十五年義士翟全王鼐修濬石甃板廂

州人甚賴之後板朽萬曆間知州胡柟補修如舊

深溝水 在州南三十里由西北流至柴家窰入黃河興縣往來通路最為崎嶇

四井潭 在州南四十里山下四井其色元有魚人不敢取

臥龍池 在州南四十里有石窟蛟龍潛焉水色常清雖大雨不為沙泥所汨

石堂水 在州南四十里出韓家川入河

龍池 在州南五十里石澗中周圍十餘丈人不敢近旁建五龍祠禱雨輒應

鴉前塔溝 在州南五十里

土門溝水 在州南六十里由林遮峪入河

扒樓溝水 在州南八十里由神山入河石燕出此

寺河塔溝 在州南九十里

保德州志

卷二 形勢

六

鴨頭川 即馮家川在州南九十里水由東南流人黃河

號風溝 在州西南六十里內有石竅雖盛暑常有涼風刮出

神池 在州西南八十里

西溝井 在西門外水色常清萬曆中知州胡柟改鑿岩石中官民賴之

西溝水 在州西城下水出峯子嶺由下園頭入河

馬家灘 在州西二里

王家灘 在州西三里

煤灰溝 在州西王家灘

谷沱張家 在州西六里以上萬曆間俱為河水衝沒今漸復 以上皆水

胡洵陽曰晉中多山蓋重水利云保德瀕河且眾泉爭流乃亢而不下者勢與水

違與波俱逝者蕩為巨浸堤堰莫施桔槔徒巧即好為民興利亦有盱高長嘆臨

流興嗟而已矣民之生也其何賴哉

王端庭曰昔年各灘舊皆引溝水或汲井泉澆灌春秋兩熟菓實菜茹青黃被野一望如繡自河變以後遂成巨浸民之苟全性命者傍谷依岩形容鵠立吁桑田滄海世變江河可勝嘆哉

白君琳曰環保皆山也其在東南者自河曲界高地峻與岢嵐界岢嵐山發脉在西南者亦自岢嵐山來逶迤相屬而隨地異名其實三面皆荒涼土岡而已童無木涸無泉風則沙飛雨則土潰小民耕耘播種戰戰懷懷時恐陷墜生斯土者曾不得享馳驅之樂安步之適焉何侈言名勝哉

墩寨

寨九座

陳家寨 在城東十里義合都五甲明季設蓋口炮二位快鎗六杆鈎頭銃十杆手把銃一十二杆鐵子一千五百個今俱廢

秦邱寨 在城東二十里宣化坊二甲明季設蓋口炮二位快鎗一十二杆手把銃

保德州志

卷二 形勢

七

一十二杆鈎頭銃八杆鐵子一千五百個今俱廢

花園寨 在城西南二十里靜樂都九甲明季設蓋口炮二位快鎗一十四杆手把銃四杆鐵子一千五百個備用米四石九斗六升煤足用今俱廢

廟溝寨 在城東南五十里義合都十甲明季設蓋口炮一位快鎗一十二杆鐵子一千五百個備用米九石六斗一升煤足用今俱廢

新哇寨 在城東南五十里靜樂都十甲明季設蓋口炮二位手把銃一十二杆快鎗一十五杆鈎頭銃七杆鐵子一千五百個備用米六石五斗八升煤足用今俱廢

剷剷陵寨 在城西南五十里靜樂都十甲明季設蓋口炮二位快鎗千杆鈎頭銃六杆手把銃十杆鐵子一千五百個備用米三石七斗二升煤足用今俱廢

叢林溝寨 在城東六十里義合都三甲明季設快鎗一十五杆手把銃五杆弓箭十副鐵子一千五百個備用米三石一斗四升煤足用今俱廢

以上煤米俱明萬歷十七年知州王甲設備火器不知設自何時

禪房寨 在城南八十里長樂都一甲

王家寨 在城東南六十里義門都十甲

萬歷四十三年知州胡柟申請修理九寨又請將軍火器械或十年一留銀置備或五年一整理俱報可

墩臺

東路

觀音墩十里在義合都 鐵匠舖墩 石梯子墩 杜家崙墩 西庄墩十三

里在義門都 天橋子墩四十里同上 炭水墩五十里在河曲縣界 城角墩在舊州倉後明萬曆間包城廢

東南路

白榆泉墩二十里 栢森墩 窰墩 岳家梁墩 楊家山墩

西南路

保德州志

卷二 形勢

八

孫家梁墩 河口墩 固城墩十八里 花園子墩二十八里 柴家窰

墩三十八里 坪頭墩 黃金山墩四十八里自固城以下 神山墩六十八里

鴉頭川墩印馮家川七十八里 二墩在長樂都 南會墩 裴家口墩俱接興縣界北會村八十里

以上各墩俱本營設兵守望

胡洵陽曰寨墩之廢修火器煤米之存亡最關鄉民利害有司守土誠宜秋終一督理之惟是設險除噐肉食者謀之可耳徒責之無知鄉民將何以應况箕斂以苟目前鄉民常態否則受笞追贖無門控訴矣自非保民者留心料理則墩寨等類皆委官公使奇貨也

古蹟

禹蹟 州西北至積石二千五百里南距龍門五百里則禹之經此固無疑也且天橋峽口三石頭白馬崖兩山逼狹水勢阻碍納大河於數丈之石峽不見其溢真疏鑿神功州北二十五里舊有禹廟今河岸有禹餘糧石張茂先博物志云禹治

水棄餘糧於江化爲石觀此益信

長城 在州南偏橋村西抵黃河南接興縣八十里 考關志秦并趙築長城於嵐州紫塞是時雲中五原皆爲郡則宣大之南河保之北皆爲內地必不與嵐州別爲塞也蓋趙肅侯嘗築長城矣此殆肅侯所築與

林胡 保德故林濤寨也其魯名林胡趙以李牧守邊降之周赧王十九年趙君略地林胡獻馬即此

馬蹄石 在州東南八十里石上有馬蹄跡傳言始皇巡狩馳此馬蹄所踐也見舊志

花園寨 在州西御道塢下世傳漢高貶薄后於此考河曲縣志亦有娘娘太子等灘豈此其看花處與明萬曆四十二年修城北水道得古斷碑上云問安樓碑記下有文不全或元時有太子棲此與

舊芭州 在黃河西北今口外河套內蘇武廟李陵碑在焉故址園圃磴磨猶存今

保德州志

卷二 形勢

九

保德人大都皆芭州磴白窟它村人移居於此故老猶多傳之

舊澳州 在州北一百四十里本雄勇鎮宋太平中置火山軍金爲隴州元省屬保德俗傳在河曲吳堡村

尉遲公得馬水處 在州東北九十里世傳尉遲公失馬追此得之適逢汲水者慰其渴思故名有歌云大唐聖帝生姓李殿頭元帥無可比胡漢敬德尉遲公鉄鞭到處煙塵起龍池捕馬至河曲方得回頭心一喜嫗嫂擔水送瓊漿地名喚做得馬水即今河曲縣巡檢司考明洪武九年設得馬水關巡檢隸本州不可以非州境而削也

關亭 在州南古城前

俗傳古城前舊有迎送亭亭前一甚高影映城中前志列八景

磨劍石 舊有石在儒學門下俗傳唐秦王將王伯當嘗磨劍於此石痕跡猶存見舊志今無

故城 在州西二十里宋建今土城尚存

趙寧岡 在栢森村有岡起伏盤踞如龍宋帝夢天與寧龍衣解者謂其居有龍岡七脉冲天以語寧寧告歸鑿其岡深一丈二尺見蘆根七條大而無際斷之血流入河寧面色不改赴奏寵賚甚厚見本村石碑

九女墓 在栢森村地名條梁宋趙女不適人者有九名葬於此

折太君墓 在州南四十里折窩村北宋紀說曰楊業娶府州折氏稱太君豈其父為麟州刺史又為火山軍節度使業後為代州刺史皆距此不遠故繙姻卜地於此與太君生子六今州北河神廟乃四將軍延昭 號六郎宋太宗朝以崇儀使知保州屢敗契丹延昭子文廣娶慕容氏善戰今州南慕塔村猶其故地云考崑嵐志載折氏係折德宸女性警敏嘗佐業立戰功後上書陳夫戰沒之由以原籍曾屬崑嵐耳

峽口石字 天橋峽石上有字云治平元年甲辰冬十一月望字缺張巡河至此云云

餘皆剝落水長石沒則字皆不見

頒韶廳 在州東南坡宋熙寧間建今久廢

保德州志

卷二 形勢

十

擬江樓 在州治北城上金建有完顏某撰記見藝文後知州李晏復改名安西樓萬曆間包城時遺址盡去

河崖筆跡 河西崖有峻壁書云皇子安王府掾史僕散翰之與怯薛丹官人和者同奉上命特遣水運大木前至長安上自積石州東有一地名打羅字缺下徹天橋

子訪字缺 此二河道水石險惡自古以來未嘗敢行所以部率諸官集字缺拜祭缺字乘

駕缺字於此皆賴天神所護我國家洪福之所致也故書於此以示後歲在乙亥至元十二年六月十八日題

舊武州按韓志州東至舊武州大塔界八十里則大塔村為舊武州地而胡志載元至正二十二年吳公討賊至武州益信然考武州故城在大同朔州西姑存以俟博聞

魯班石像魯班即公輸子春秋時人州南二十里楊家灣南崖石窟中元至正間

人聞有聲如人隱隱欲出者已數年矣忽一日崩出魯班石像腰繫槌鑿又有大
小石佛數百骨節俱虛空玲瓏無斧鑿痕州人昇之善地建寺奉之即今花佛寺
驚濤石字天橋黃河石峽中魚多匯聚人因漁之浪中石上刻字云食我不肥賣我
不富波濤落時字跡宛然歲久不磨傍有年號疑治平字見韓志

龜石 在州東一里許娘娘廟山下一石似龜足踞山腰首飲河畔俗傳龜兒喫着
水三錢一斗米至明萬曆二十六年漂沒無存是歲民饑死亡甚衆有吊龜文今
地猶龜棧

師婆石 在州東南五十里義合都石刊一師婆形手執鞮鼓人以小便洒之已疾
公帑樓 在州堂後正德元年建四面懸扁東日瞻天西日仰聖南日觀蓮北日望
河久廢

漕河石渠 在天橋河東岸石上有漕闊三丈餘深淺不等乃古人**疏鑿**成渠便通
漕運處嘉隆紀聞云嘉靖十一年六月御史徐汝珪陳邊務言宜漕石州保德之

保德州志

卷二 形勢

十一

粟自河而上以達延綏云

勸農亭 一在郭家灘一在白榆泉今廢

陳經略園 在城東門外坡坂間明經略陳奇瑜建有假山臺池五畝宮半畝園採

蓮坊杏花村臥雲待月等坊足資遊眺今廢

釣魚臺 在城西二十五里明經略陳奇瑜鑿石壁建懸樓西閣呂祖廟下臨黃河
足避寇盜資遊眺今半頽堊壞

問渠亭 在城東門外二里許明義民楊文俊鑿建今廢韓膚施日萬物逆旅光陰
過客人生大夢且暮百年即風流人物掀揭事業曾不一瞬而頓成往事惟山川
岩壑遺跡間存不能不動懷古之思故志之

名勝

蓮山聳翠

蓮山即州城山也詳見山川類一山分爲五支十數餘里俱臨黃河山勢左右環

拱宛一蓮花

胡洵陽日林林古栢標青裊裊烟雲騰碧河氣嵐光隨時呈露苦痕草色按候發生不減希夷池上有同茂叔溪邊景孰有奇於此者乎

帶水泛黃

黃河自東北旋繞城下轉向西南真所謂襟山而帶河者也

胡洵陽日水忌直衝而此則初不遽來水嫌反跳而此則若不忍去登樓俯瞰依稀偃月垂形駕艇仰瞻彷彿明珠在抱且非撓之使濁亦豈澄之可清底裏莫窺類至人之不測渾淪無間似雅量之有常色分天地之中氣徹斗牛之上真太平佳景也

峽口天橋

詳見山川類通志謂河至天橋子南流又云黃河岸狹可橋即此蓋以河東石岸寬平直出距西岸石山止七丈有奇納大河於中不見其溢每冬冰凝若天設之

保德州志

卷二 形勢

十二

橋然

胡洵陽日峽以上浪鳴則兩峽之傍渠浚可漕冬則兩岸利涉夏則羣魚爭躍磯上釣綸競巧石邊古字相輝爲景蓋不一而天橋其最奇者夫柔莫如水矣寒凝則剛硬過乎堅石險無踰河也冰合則坦夷等於康莊雖天塹頓平不可一時忘備而虹梁驟起實屬一歲奇觀景之可以資遊觀亦可以觸警戒者也

水心底柱

水經注日禹鑿砥柱山以通河河水分流包山而過山見水中若柱日底柱水寨在州東北十五里巋然中流撐持地軸與三門之中一峯無異故名

胡洵陽日屹於風流波蕩可以動達人中立之思超出乎濁亂粉淆可以例君子不移之守觀水寨猶之觀三門也舍底柱而命之日水寨其止疆場之思乎

峻嶺飛煙

陳家寨南半里許自萬曆戊戌己亥間石裂數道俱有煙隆隆起夏秋惟日出入

時可觀冬春則如雲如霧裊裊直冲霄漢迄今未改

胡洵陽日試之未見柴燔湯沸德之未聞風發雷轟然氣溫然其可即勢浩然其莫遏則與火山無異也豈地藏其熱有時而洩耶抑造化之爐一鼓其橐籥遂噓焉呵而不能自巳耶

溫泉騰霧

舊志云轉壑飛流指石梯山側水也自高地峻來曲折逶迤約三十里轉至峽口繽紛亂墜珮響琴鳴傾珠削玉凡三疊入河故名

胡洵陽日邊方皆寒水也至冬未有不凝爲冰者獨此溝秋夏甘冽冬春溫暖且溝口上下諸泉皆湧珠噴玉四時不改止云飛流未足以盡其景易今名又曰火之必熱水之必寒此造化一定之理也乃熱有時而出於水寒有時而不在水如陝以西川以東豈不種種稱奇硯極北極寒之鄉豈亦有溫泉耶試觀石梯山下溝口一帶二里許諸泉駢出其味甘溫其色清白即隆冬裂膚時猶蒸蒸然若烟

保德州志

卷二 形勢

十三

霧之起而不已者果何物也雖未能有湔疹滌疾之用然餘波所潤四序有常青之草和氣所鍾三冬無兢白之冰殆木中之松柏人中之節義者與

龍翔遺跡

州東北三十里臥龍溝大石長丈餘闊五尺上有龍鱗嘉靖庚子移儒學門內是科果有人今考臥龍溝石之有龍鱗者不獨此一石且鐵匠鋪岩下有龍窟週圍俱有龍鱗則又奇矣

胡洵陽日夫龍神物也時而泥盤時而天飛時而細入無間時而橫互無際蓋不囿於跡者也曷爲印其盤踞之跡於兩處石上頭角鱗爪屈曲淺深靡一不肖耶雖深窟之中人跡弗到亦靡石不有耶彫刻莫踰其巧圖畫莫盡其妙豈形據之斯神入之若達魔之壁耶豈形爲潛斯影爲現若卞和之璞耶豈造化之爐錘乾坤之陶冶自然而然者耶鄉紳以文章節義顯者項背相望安知霖雨天下者不龍若哉

燕孕奇踪

州南八十里扒爐溝有石燕青元大小不一人以鍬鑊取之層層相連不絕頭項羽毛顯然每叢集若同巢者孕嬪產難兩手各握一枚立應

胡洵陽曰燕之為物也出以春處以秋得相時之智賀新廈顧舊室篤戀主之忠領似之封侯萬里夢協之則致位三台或昭貞淑於孤嫠之門類則為節或寄其味於夫君之側為信今蓋不知燕之似石石似燕也藕謂其形類則其事類也是在觀景者遠奮扶搖之上回於藩籬審視突棟之間母安為寢處則不失石燕之義矣若徒以其石而已也既什襲珍之祇足令周客掩口耳

附初修志八景

翠峯覆斗 以山在河曲非州景故不入志

黃河環帶 即帶水泛黃

中流水寨 即水心底柱二景俱胡志所改今仍胡志

保德州志

卷二 形勢

北塞長城 韓志已刪詳見古跡

天橋雪浪 胡志以雪浪在河曲界又二景不可合一故改為峽口天橋今仍胡志

西樓晚照 即擬江樓樓廢後即不入景

關亭楊柳 周志以亭柳無存刪去詳見古跡

沙灘落鴈 俗博灘在州北河畔每有鴈宿其上河變後遂不入志

再修志八景 與前同者不贅

梯雲石磴 胡志以未盡其景故不存詳見山川

天橋跨漢 詳見山川

雪浪鳴雷 詳見上

轉壑飛流 胡志改為溫泉騰霧今仍之

三修志八景 同者亦不贅

古石龍鱗 胡志改為龍翔遺跡今亦仍之

四修志八景即上八景

廟社

文廟 見學校

文昌廟 一在明倫堂左一在觀音閣一見在龍書院前明萬歷間知州胡柟建

國朝康熙二十四年郡進士劉祖舜僧全如募修一在南郭明弘治間郡人王鼐翟

全白惟通王所用募工砌石為洞道出其下而建廟其上崇禎八年郡人陳嘉言

王立本募金增修設懸樓

國朝順治七年僧忠壽重修康熙五年署州事河曲知縣田思孔募修又用價二十

三兩買張守已張守貴上壇坪地四垧東至官道南至古城西至城曲尺北至桑

樹載糧六升為贍田三十五年庠生袁變貢生王恆募修

風雲雷雨山川壇 舊在南門外官道之東明成化間知州騫璿修弘治間署州事

忻州同知支宣改於社稷壇之東建治齋所宰牲所繚以周垣知州周山重修後

保德州志

卷二 形勢

房垣久廢萬歷間知州胡柟立石為主

社稷壇 在南門外官道之西明成化間知州騫璿修弘治間署州事忻州同知支

宣建致齋所宰牲所繚以周垣知州周山重修後房垣久廢萬歷間知州胡柟買

馬日強馬登介賈弘敷賈弘達北門外地為社稷壇立石為主後復移置風雲雷

雨壇之北兩壇對立共石碑五通今石主半廢

里社壇 五都各一處今廢

厲壇 在北門外之東二十餘步宰牲所三間門一座繚以周垣明弘治十七年修

今房垣久廢

鄉厲壇 五都各一處久廢

城隍廟 在東街去州治三十步元至正丙午知州林奉訓州判張公敏重建 有碑記

明天順元年知州陸鏞重修弘治十七年知州周山重修增寢殿三間兩司房各

三間山門三間 有碑記 萬歷四年知州周堽增坊一座四十一年知州胡柟重修

國朝康熙年間僧方便募修二次

土地廟 一在州儀門之東一在西城外以包城移入西門內明崇禎間郡人王立本捐修 國朝康熙八年僧方真募修

山神廟 在城南三十里

河神廟 一在城北坡下明弘治十八年建 國朝順治九年州民張一鄉募修一在東郭山觀音殿之西康熙間僧法峻募建一在東關關帝廟左一在東關娘娘廟後一在康家灘

井神廟 一在城東南上廢今一在城外井溝橋

火神廟 在城內鐵山東

龍神廟 一在南郭關帝廟之查一在靜樂都五十里龍池之旁一在義合都三十里元至正十年修一在劉燠一在康家灣一在下園頭一在王家灘一在右佛寺旁一在關家溝梁一在石窠舖南一在新畦村一在東溝徐家陵四鄉尚多難以

保德州志

卷二 形勢

十六

備載

八蜡廟 在南郭關帝廟之西明萬歷間知州胡柟重修

好舫廟 在州東六十里義合都銀爐山

蝗蟲廟 在州南八十里舊址久廢 國朝順治間蝗至復建

藥王廟 在見龍書院之前明萬歷間知州胡柟以人不知醫樂建 國朝康熙間知州蘇東柱修

馬神廟 舊在州儀門之西明萬歷四十一年知州胡柟建於按察司舊址 國朝順治間知州楊士烜重修

北嶽廟 在南門外之東明天啓間鄉官張元重建 國朝順治間鄉約嚴贊喬利見僧寬普募修康熙間郡人袁允吉金粧聖像兩壁有碑

三皇廟 在州治之東久廢

關帝廟 一在州治東南一在南門甕城一在鐵山一在城隍廟東一在南郭八蜡

廟東一在東溝坡底

護國顯應王廟 神姓崔氏祁州鼓城人唐貞觀中舉孝廉爲長子令開元間封顯聖護國嘉應候歷代加封廟在州市東金皇統九年郡人張順元建元大德甲辰李廷顯重修有碑記久廢

靈感廟 俗傳文殊菩薩化現在州西南後會村每旱禱雨立應康熙間吏目錢萬芳重修

聖母廟 一在城內明崇禎間郡人王宗本重修一在查郭山鄉官王邵重修 國

朝康熙間僧法峻重修一在州東陳家梁三十一年東魯異僧明行募建郡庠生袁變募建佛殿名聖感寺

二郎廟 在城北河神廟之東南

三官廟 在城南門外之西明萬歷間知州劉希樂建有碑記崇禎九年僧惟一糾首嚴可奇募緣重修 國朝順治間知州安世鼎僧忠壽重修康熙三年僧方潤募

保德州志

卷二 形勢

十七

修三十一年僧圓登募修

真武廟 一在城西南隅一在苦水溝一在城外東南隅觀音殿之西一在南郭文昌祠之後 國朝康熙間僧維亨捐修石堦建靈官殿於上與黑虎殿相對一在北門外二十五年知州高起鳳因開北門建

寺觀

寶積寺 在里仁巷去州治西南七十步元大德七年建明景泰二年重修係祝蓋處僧

正司在焉崇禎八年郡人陳嘉言僧忠响建藥師殿於內

承天寺 在舊鐘樓北在州治東南三百步元時建明永樂間重修萬歷甲寅僧正先重修 國朝順治間僧廣福募修禪室康熙間僧廣祿展天王殿至鐘樓舊址移建鐘樓於天王殿之東郡人閻芳內建觀音殿一間今地基崩壞康熙四十八年僧明教重修

興隆寺 舊名資福寺在州東南三十里義合都橋頭村宋熙寧元年建

花佛寺 在州南十五里宣化坊花佛村元至正間石崖崩出石佛數百尊州人建寺昇置其中

壽聖寺 在州東三十里義合都峽查村金大定十年建 國朝康熙三十八年庠生袁變募修

神峯寺 在州南四十里廟溝村

金峯寺 在州南五十里靜樂都牙前塔金時建 國朝康熙間郡庠生袁變募金重修

靈泉寺 在州南九十里

彌陀寺 在州西南三十里靜樂都花園村元至正十五年建

西雲寺 在州西三十里靜樂都

龍泉寺 在州西南六十里靜里樂都林遮峪村元至正二年建

深溝寺 在州正東十五里 國朝順治間僧祖緣一名鐵羅漢創造石窰內塑佛像

保德州志

卷二 形勢

十八

蒼水山寺 在州查南一百二十里元時建

廣仁寺 在南關明崇禎間鄉官王邵建爲寄旅襯之所兵燬

保安寺 明萬歷七年建

天慶觀 即三清觀元時建明天順間重修今敞壞將廢

青楊觀 在州東南二十五里元太德九年建久廢

觀音殿 一在城隍廟東一在城隍廟北一在寶積寺門東一在城外東南隅 國

朝順治九年鄉耆嚴可奇僧道遠重修甃石窰三間十三年僧眞德又建三教閣於上康熙十年僧廣崇募緣重修圯壞四十七年圓障重修一在東郭山 國朝

康熙間僧法峻重修甃石洞於旁內塑觀音像有碑記一在王家灘義民王迪祥募建

白衣殿 舊在東南城隅郡庠生崔嵩建 國朝順治六年兵毀一在城外東南隅

觀音殿鐘樓洞內康熙四十一年僧圓障塑像於中一在寶積寺西康熙間廩生

楊永芳胡貢寶建一在城外水陸殿東康熙十五年鄉官白眉建三十六年知州唐文德重修

彌勒庵 國朝順治七年醫生焦炳文捨其馮家十字宅爲庵塑像延尼焚修

水陸殿 一在南門外係知州胡柟生祠改建 國朝康熙四十七年僧明教重修

一在東溝明天啓七年僧性榮創建僧寬普重修

閻羅殿 在州東南十里宋元祐間建明崇禎間重修

有碑記

十方院 在州東張家灘 國朝康熙間東魯異僧明行郡人張福募修

十王殿 在州東康家灘飛龍山又郭家灘亦建

胡洵陽曰保德彈丸地耳何寺廟之多釋子之衆乃爾蓋地近邊俗好佛喪葬必延僧男婦多居士即有嚴禁之者未幾且弁髦之也所賴士大夫講明家禮以移易則披剃者自少而丁口將盡歸版籍矣

張溥曰保郡彈丸一邑而寺觀之設星羅碁布論者謂邊俗好佛喪葬專用浮屠

保德州志

卷二 形勢

十九

實使之然然考其創始於金十之二三於元十之七八明雖間有大率更新而已揆厥所由咎可知也嗚呼上有好者下必有甚况顏曰勅建安知非賣兒貼婦之爲又豈啻風草之從耶尤可恨者清淨明宗諸教於今日熾榛蕪正道煽惑人心雖有明禁而愚民趨之若狂不知何日得掃除也噫

祠宇

趙公明字生祠 在寶積寺東祠報包城也知州胡柟扁曰名世芳標

有碑記今碑存祠廢詳

見憲澤并藝文志中

韓公敬廷生祠 在趙公祠右亦爲包城也知州胡柟懸扁志其事今扁與祠俱廢

詳見名宦并藝文志中

胡公洵陽生祠 一在南門外即今水陸殿地祠壁繪公興釐善政四十六款有碑

記兵燬其餘鄉城共祠四十餘所今雖盡廢而德澤未泯詳見名宦并藝文志中

二賢祠 在上街爲明守高公崗鳳王公甲胡公柟建有碑記 國朝順治六年牛

逆據城拆毀前三日李生敷榮夜夢三貴人峨冠博帶燈燭前導郡吏擁從相與談笑而去是三公者生爲名宦沒爲明神雖歷久而不替也今碑記磨滅不可復識惜哉

刑部固山生祠 在城隍廟西刑部姓李諱瑣太固山額真墨順治六年提兵討逆受降時戮軍宥民全活甚衆民德之知州安世鼎建祠今廢

樓公生祠 在中街公諱希吳順治六年公以兵備道往來供應知州安世鼎建祠康熙間知州高改爲義學

趙元帥祠 在州東義門都三十里相傳卽宋鄉賢趙寧也其子孫奉祠

陳烈女 在南郭明貢生陳嘉蓋女有碑記祠後爲知州徐效奇所燬康熙間其侄孫

孝廉大謨重建一間今存詳見節婦并藝文志

往鑑

宋

保德州志

卷二 形勢

二十

眞宗景德元年冬十月契丹數萬騎奉蕭太后令寇嵐武保德諸軍高繼祖擊敗之徽宗建中靖國二年金取遼山後嵐武保德諸軍

欽宗靖康元年金粘沒喝攻太原悉破嵐保諸軍

明

正明統四年十月也先入寇至西庄村

成化十五年火節寇偏關至王家寨

正德十一年寇至東南大塔鋪

嘉靖十八年俺荅大舉八寇至城下所過殘滅二十年至三十二年無歲不擾邊然或以飽獲而歸不至深入四十一年又入寇攻破崖寨窰洞無數董家梁賈家梁或城一里之地賊憊睡熟放馬至東溝無人敢近州民慷慨夜獲賊馬一匹四十年賊由河西五虎山下踏水橋過河人犯殺死防禦把總王宰及官軍三百餘名前後灘居民被殺掠甚慘四十四年又由偏關入寇至東南栢森村叢林村趙

家塢及城沙坪演武亭南關殺掠男婦無慮數千餘口四十五年由唐家會踏水入犯殺死本所千戶徐堯臣及軍人百餘名又數日從賈家

灣踏冰入犯搶至前鄉馮家川等處人烟盡絕鬼燐宵寒禍酷此歲爲甚

隆慶元年十月賊自河曲保德入犯汾石

胡洵陽日細閱保德邊患亦大足寒心矣患之而思以防之如前志所謂包城添兵演武畜水除器械五款詎非先事之畫然此特爲城中計耳至四鄉九寨歲久傾圮未暇修及乘時爲民請命不能無望於上人之見命耳

